

ՀՈՎՀԱՆ ՄԱՅՐԱԳՈՄԵՑՈՒ ԿԵՆՍԱԳՐՈՒԹՅԱՆ ՄԻ ՔԱՆԻ ՀԱՐՑԵՐ

Հ. Մ. ՔԵՆԴԵՐՅԱՆ

Հովհան Մայրագոմեցու կյանքի ու գործունեության մասին եղած տեղեկությունները սակավ են ու հակասական։ Սկզբնաղբյուրները, որոնց հիման վրա հայագետ բանասերները ջանացել են ուրվագծել նրա կյանքի ուղին՝ հայկական, հունական և վրացական, հետևյալներն են.

1. «Պատմութիւն Յոհաննու Մայրագոմեցւոյ» պատառիկը, Գտնվում է Երուսաղեմի № 1272 ձեռագրում (ՉԼԹ—1290, գրիչ՝ Բարսեղ քահանա, թ. 391բ—396բ)։ Գարեգին Հովսեփյանը մի ուսումնասիրության հետ հրատարակել է այդ «Պատմությունը»։ Գիտնականը հանգել է այն եզրակացության, որ կիսատ մեզ հասած այս գործը գրվել է 7-րդ դարի վերջին կամ 8-րդ դարի սկզբին։

Այս գրվածքի հետ ընդհանրություններ ունեն՝

ա) Ստեփանոս Օրբելյանի տեղեկությունները,

բ) Զաքարիա Մործորեցու «Ժողովոց պատմութիւնը»,

գ) Խորեն Սահառունու «Ժամանակագրութիւն վարդապետացն հայոց» գործը։

Վերջին երկու գործերը ձեռագրերի մեջ դեռևս երևան չեն բերված, բայց նրանց մնացորդներից օգտվել է Զամչյանը։

2. La Narratio de rebus Armeniae: Առաջին անգամ հրատարակել է Կոմբեֆիսը 1648 թ., այնուհետև՝ Գալանդիուսը 1781 թ., ապա 1864 թ. երկու անգամ լույս է ընծայել Մինյեն։ Այս բոլոր հրատարակությունները միևնույն բնագրից են, որը աղավաղված է 1952 թ. բելգիացի գիտնական Ժերար Գարիտեի վատիկանի գրադարանի երկու ձեռագրերի և նախորդ հրատարակությունների համար օգտագործված բնագրի ու հայկական, հունական և վրաց աղբյուրների քննական համեմատությամբ, հրատարակեց Narratio-ն կամ Ֆիդիլիս-ը²։

3. Փոտ պատրիարքին վերագրված նամակը ուղղված հայոց Զաքարիա կաթողիկոսին (9-րդ դար)³։

4. Վրաց Արսեն Սափարացի կաթողիկոսի «Վրաց և հայոց բաժանման մասին» գրվածքը (9-րդ դար)⁴։

5. «Հացունյաց խաչի պատմությունը» հրատարակված է Շապուհ Բագրատունուն վերագրված «Պատմության» մեջ, բայց կա նաև ձեռագրերում որպես առանձին մի գործ⁵։

6. Խեղդորոս Քոթենավորին վերագրվող «Ընդդէմ Մայրագոմեցւոյն» ճառը, Հրատարակվել է Օձնեցու մատենագրություններում⁶։

7. Եվթիմիոս Սիգարինոսի «Պանոպլիան» և Նիկեփորոսի «Պատմությունը» օգտագործել է Կղեմես Գալանդիուսը։

¹ «Արարատ», 1917, էջ 735—749։

² Gerard Garitte, La Narratio de rebus Armeniae, édition critique et commentaire. Corpus scriptorum Christianorum Orientalium, vol. 132, Subsidia tome 4. Հայերեն թարգմանությունը Narratio-ի կատարել է Հ. Բարթիկյանը։ Տե՛ս «Բանբեր Մատենադարանի», № 6, Երևան, 1962, էջ 457—470։

³ Православный палестинский сборник, том XI, СПб, 1892.

⁴ Լ. Մելիքսեթ-բեկ, Վրաց աղբյուրները Հայաստանի և հայերի մասին, հատոր Ա, Երևան, 1934։

⁵ Պատմութիւն Շապհոյ Բագրատունւոյ, էջմիածին, 1921։

⁶ Խեղդորոս Քոթենավոր, «Ընդդէմ Մայրագոմեցւոյն», Յովհաննու Իմաստասիրի Աձնեցւոյ մատենագրութիւնք, Վենետիկ, 833, էջ 147—158։

⁷ Կղեմէս Գալանդիոս, Միաբանութիւն Հայոց եկեղեցւոյն ընդ մեծի սուրբ եկեղեցւոյն Հռովմայ, Հռոմ, 1658, հ. 2, մասն 1-ին։

8. Տեղեկություններ կան նաև հայ պատմիչների երկերում: Աղբյուրները ինչպես տեսնում ենք, շատ են, բայց, իրոք, քիչ տեղեկություններ են տալիս Հովհանի մասին և ենթադրությունների համար մեծ տեղ են թողնում:

Սկսենք անվանումից: Մատենագրության մեջ Հովհանը հայտնի է Մայրազոմեցի և Մայրավանեցի անվանումներով: Ո՞րով է հորջորջվել Հովհանը իր կյանքի այն օրերին, երբ բոլորը կողմից միայն հարգանքի ու պատվի էր արժանանում: Հայագետները ինչպես այս, այնպես էլ Հովհանի ստեղծագործությունների պատկանելիության ու շատ այլ հարցերում, երկու խմբի են բաժանված: Ոմանք ասում են, որ Հովհանը կրել է Մայրավանեցի մականունը և միայն հետագայում նրան կոչել են Մայրազոմեցի: Ուրիշները կարծում են, որ, ընդհակառակը, Մայրազոմեցի է եղել, հետո միայն անվանել են Մայրավանեցի:

Անվանումներից յուրաքանչյուրի կողմնակիցները բերում են իրենց մատենագրական կովանները: Մատենագրության մեջ հանդիպում է և՛ մեկ, և՛ մյուս անվանումը:

Որո՞նք են Մայրազոմեցի անվանումը ճիշտ համարողների կովանները:

1. Օտար աղբյուրները՝ հունական և վրացական, Մայրազոմեցի անվանումն են գործածում:

2. «Վերլուծութիւն կաթողիկէ եկեղեցւոյ և որ ի նմա կարգաց» 10—11-րդ դարերի գրչությանը հասած ձեռագրի վերտառության մեջ «Յոհաննու Մայրազոմեցւոյ» է գրված: Այս գործի Հովհանին պատկանելը առ այսօր ոչ ոք կասկածի տակ չի առել⁸:

3. «Կնիք հավատոյ» ժողովածուի Հովհանին պատկանող հատվածները ունեն «Յոհաննու Մայրազոմեցւոյ» խորագրերը⁹:

4. Կա կիսատ մեղ հասած մի գործ, որ հրատարակել է Գարեգին Հովսեփյանը, «Պատմութիւն Յոհաննու Մայրազոմեցւոյն» վերնագրով¹⁰:

5. «Հացունյաց խաչի պատմության» մեջ Հովհանը Մայրազոմեցի է անվանված:

Ահա և Մայրավանեցի անվանումը ճիշտ համարողների կովանները.

1. Հովհաննես Դրասխանակերտցու Պատմության մեջ կա այսպիսի մի հատված. «Եւ զայս ասացեալ՝ ելեալ զնաց: Եւ երթեալ (Հովհանը — Հ. Ք.) առկայանայր ի Մայրոյ վանս, որ ի ծործորս լերինն ամրոցին Բջնոյ. և սակս ի նմա բնակելոյն Յոհաննու փոխեալ Եգրի զանուսեղայն Մայրոյ վանաց, Մայրեզոմ զնա անուանէր, և զՅոհան՝ Մայրզոմեցի»¹¹ (ընդգծումը մերն է — Հ. Ք.):

2. Հետագա դարերում մատենագրության մեջ ոմանք գործածում են Մայրավանեցի անվանումը:

3. «Խրատ վարուց» ժողովածուի Երեանի Մաշտոցի անվան Մատենադարանում գտնվող հինգ ձեռագրերում որպես հեղինակ նշված է Մայրավանեցին:

Կան նաև Մայրազոմեցի¹² և Գոմեցի¹³ անվանումները: Առաջինը թե՛ գրչական սխալ է, ապա խուսառնվում է Մայրազոմեցի ձևից՝ ի նշան հարգանքի սուրբ հոր հիշատակին: Երկրորդը՝ Գոմեցի անվանումը, հաստատումն է Մայրազոմեցի անվանման:

Փորձենք տեսնել, թե ո՞ր անվանումն ավելի նախնական է և հիշյալ կովաններից որո՞նք են հիմնավոր, կամ որո՞նց կարելի է ավելի հավատ ընծայել:

Օտար աղբյուրների Մայրազոմեցի անվանումը կարևոր է հենց այն պատճառով, որ նրանց համար այդ անվանումը ոչ մի այլ իմաստ չէր պարունակում (չէր կապվում Գոմ-ի հետ). նրանք այն ըմբռնում էին որպես սովորական մի անուն, այլապես հակառակորդին անարգելու այդքան լավ բառախաղը դժվար թե անկատ թողնեին:

Եղրի օրոք որպես անարգանքի նշան փոփոխված չի եղել Մայրավանեցի անվանումը, այլապես 10—11-րդ դարերում նրա հիշատակը հարգող մարդիկ «Վերլուծութիւն կաթողիկէ եկեղեցւոյ...» գործի հեղինակի անունը Մայրավանեցի կգրեին և ոչ թե Մայրազոմեցի կթողնեին:

⁸ Երեանի Մ. Մաշտոցի անվան Մատենադարանի № 2244 ձեռագիր:

⁹ «Կնիք հավատոյ», Վաղարշապատ, 1914:

¹⁰ «Արարատ», 1917, էջ 735—749:

¹¹ Յոհաննու կաթողիկոսի Դրասխանակերտցւոյ Պատմութիւն Հայոց, Թիֆլիս, 1912, էջ 77—80:

¹² «Անանուն ժամանակագրություն» (14-րդ դար), կազմեցին Հովհ. Մանվելյան, Լար. Աբրահամյան, Երևան, 1940, էջ 14:

¹³ Մ Ե Ս Ր Ո Վ Ր Գ. Ք Ե Ղ Ի Ղ Յ Ա Ն, Ցուցակ հայերեն ձեռագրաց Զմամուի վանքի մատենադարանին, Վիեննա, 1964, ձեռ. № 96, թ. 36բ:

նույնը պետք է ասել նաև «Կնիք հաւատոյ»-ում զետեղված հատվածների մասին, որոնք վերագրված են «երիցս երանեալ սրրոյն Յովհաննու Մայրագոմեցւոյ»:

«Պատմութիւն Յովհաննու Մայրագոմեցւոյն» գործը լինելով հնադուրեւերից մեկը և նրա հեղինակը մեծագույն հարգանքով խոսելով Հովհանի մասին՝ Մայրաղոմեցի անվանման մեջ ոչ մի վերավորական բան չի տեսնում: Նույնը պետք է ասել և «Հացունյաց խաչի պատմութեան» մասին:

Պատմիչները Մայրավանեցի են անվանում նկատի ունենալով Հովհաննես Դրասխանակերտցու հաղորդած ավանդությունը, դա անմիջապես նկատվում է, այլապես Հովհան են ասում, կցելով փակակալ Գրիգորի, կամ փիլիսոփա լրացումները:

Մայրավանեցի անվանումը, որ առաջինը շրջանառության մեջ է դրել Հովհաննես Դրասխանակերտցին, կապվում է Բջնու ծործորներում ծվարած մի վանքի հետ, որի փլատակ եկեղեցին այսօր էլ գոյություն ունի և կրում է Սուրբ Աստվածածին անունը: Ահա թե ինչ է գրում այդ վանքի մասին Հովհաննես Շահխաթունյանցը.

«Ի Բջնոյ աստի ի վեր ընդ գետն իբրև ժամ մի է գիւղն Սօլակ կոչեցեալ յարևելեան սարահարթի անդ ձորոյն և ի մէջ ձորամիջի անդ է ևս կամուրջ փայտեայ. հանդէպ այսր գեղջ յարևմտեան կողմն գետոյն ի բարձրութեան անդ ի ծործորս լերինն կարի դժուարին ելիւք ի տափարակ գիրս է տաճար փոքրիկ ի սրբատաշ ամրակուռ քարանց և շուրջ զնովաւ աւերակք սենեկաց. չգտաւ թուական շինութեանն, այլ երկու արձանաղիրք յանուն նուիրատուաց...»

Այս տեղի է Մայրոյ վանք կոչեցեալն ի գիրս զորմէ գրեն պատմիչք՝ մերձ ի Բջնի ի ծործորս լերինն, ըստ զ, Յովհաննու կաթողիկոսի, յոր և բնակեցաւ ծերունին Յովհան յաւուրս կաթողիկոսութեան Եզրի. և նա ինքն Եզր յաղագս ատելութեանն առ Յովհան՝ փոխեաց զանուն այսր մենաստանի և կոչեաց Մայրոզում և զՅովհան Մայրոզումեղի¹⁴:

Այս վանքի հետ պատմական քիչ թե շատ նշանավոր մի այլ դեպք չի կապվում:

Մայրաղոմեցի անվանման ավելի նախնական լինելը առաջինը պնդող Կարապետ Եպիսկոպոսը, շրջադրելով հանդերձ բառախաղի հետ կապված ավանդությունը, նույնպես այդ նույն վանքի հետ է կապում այն և կարծում է, որ վանքը 7-րդ դարում Մայրաղոմ էր կոչվում: Այս վանքի հետ Հովհանի անվանումը կապելու համար բավարար հիմքեր չկան, և, ահա թե ինչու:

Պատմության մեջ շատ են, իհարկե, այն օրինակները, երբ քիչ թե շատ հալտնի դեմքերի անվանումներն այն վանքի հետ են կապվում, ուր նրանք քաշված են եղել, կարող էր այդ ձևով նաև Հովհանին լինել, եթե Հովհանի կյանքի նշանակալից մասը անցած լիներ այդ վանքում, բայց նա շատ կարճ ժամանակ է եղել այդտեղ, հազիվ հաստատված՝ ստիպված է եղել հեռանալ և նույն Հովհաննես Դրասխանակերտցու վկայությամբ «չուէ գնայ ի գաւառն Գարդմանայ. և անդ ապա խստամբեր վարս իւր ստացեալ՝ նեղ և անձուկ պողոտայի հետևի զկնի ամենայն առաքինի վարուց»¹⁵: Իսկ Կիրակոս Գանձակեցին չի հիշում նույնիսկ, որ Հովհանը Բջնու ծործորներում գտնվող վանքում իջևանած լինի. այդ բախումից հետո «Երթեալ Յովհաննու ընտրեաց իւր տեղի լուսեան ի կողմանս Գետաբակս, և անդ դադարեալ՝ հանապազ ընդ աստուծոյ խօսելով»¹⁶: Ստեփանոս Օրբելյանը նույնպես չի հիշում, որ վերոհիշյալ Մայրավանքը քաշված լինի Հովհանը, որին նա միայն Մայրաղոմեցի է անվանում և բառախաղի մասին ակնարկ իսկ չի անում: Հովհանի մասին հիշատակություն թողած հայ մյուս պատմիչները ևս չեն ասում, որ նա վերադարձած լինի Մայրո վանք: Օտար աղբյուրներից Փոտը, յուր նամակում՝ ուղղված հայոց Զաքարիա կաթողիկոսին 9-րդ դարում, և վրաց կաթողիկոս Արսեն Սափարացին հաղորդում են, որ Մայրաղոմեցին հալածվել է ներսես Շինող կաթողիկոսից, աղվեսադրոշմով խարանվել ու աքսորվել է Կովկասի լեռը, հետագայում՝ Անաստասի օրոք, վերադարձել ու մահացել է Մայրո վանքում:

Կարապետ Եպիսկոպոսը իրավացիորեն շփոթության արդյունք է համարում օտար աղբյուրների այդ հաղորդումը, ասելով, որ 652 թվականին «ոչ մի հավանականություն չկա, որ... Մայրագոմեցին կենդանի լիներ, ուրեմն հակառակություն հանողը նորա աշակերտներն էին, որոնք և հալածվել ու ներսեսի մահից հետո վերադառնալով՝ իրենց քարոզչությունը շարունա-

¹⁴ Յովհաննես Շահխաթունյանց, Ստորադրութիւն կաթողիկէ էջմիածնի և հինգ գաւառացն Արարատայ, էջմիածին, 1842, էջ 188—189:

¹⁵ Յովհաննու կաթողիկոսի Դրասխանակերտցոյ Պատմութիւն Հայոց, Թիֆլիս, 1912, էջ 77—80:

¹⁶ Կիրակոս Գանձակեցի, Պատմութիւն Հայոց, աշխատասիրութեամբ Կ. Ա. Մելիք-Օհանջանյանի, Երևան, 1961, էջ 54—56:

կել կարող էին»¹⁷։ Ուրեմն՝ ըստ հայկական աղբյուրների, Հովհանը Մայրո վանքում կամ ան-
նշան ժամանակամիջոց է մնացել ու քաշվել Գարդման, կամ բոլորովին չի եղել, իսկ ըստ օտար
աղբյուրների՝ նա վերադարձել է Անաստաս կաթողիկոսի օրոք, որը ճիշտ չէ։ Ի՞նչ հիմք է
ունեցել ուրեմն հմուտ բանասերը՝ հաստատելու այն վարկածը, որ Հովհանը մինչև կյանքի
վերջը Մայրո վանքում է մնացել։ Այդպիսի հիմք չկա։ Ի դեպ, եթե ստույգ է բառախաղը, ավելի
ճիշտ կլինի կարծել, որ Հովհանի կրած Մայրադոմեցի անվանման վրա է խաղացել Եղբր և
նրանով է վանքը պիտակել, ինչպես Եղբի անվան հետ բառախաղ անելով Հովհանը ասում է՝
հիրավի Եղբր կոչվեցիր, որովհետև քանդման եզրին հասցրեցիր Հայաստանյան եկեղեցին։

Ուստի, եթե նույնիսկ վանքը 7-րդ դարում Մայրազոմ կոչված լիներ, ինչպես ենթադրում
է Կարապետ եպիսկոպոսը, շատ աննշան մի ժամանակամիջոց այնտեղ ապաստանած կամ էլ
նույնիսկ բոլորովին այնտեղ չեզած Հովհանը այդ վանքի անունով հազիվ թե անվանվեր։

Ի դեպ, մատենադրության մեջ հիշյալ վանքը ոչ մի անգամ Մայրադոմ անունով չի հի-
շատակվել, մի բան, որ նույնպես Հովհանի Մայրազոմեցի անվանումը վանքի հետ կապելու
հնարավորությունը բացառում է։

Շատ ուշ շրջանի մատենագրության մեջ՝ Ղազար Ժահկեցու մոտ և մի քանի հարցմունք-
ներում, Հովհանը Մայրավանեցի է անվանված, բայց շատ ակնհայտ է, որ բառախաղին հա-
վատք ընծայելու հետևանք է այդ անվանման դործածությունը։

Ամենից ավելի ծանրակշիռ փաստարկումը «Խրատ վարուց» ժողովածուի Երևանի Մաշտոցի
անվան Մատենադարանում գտնվող հինգ ձեռագրերի Մայրավանեցու անունով լինելն է։ Բայց
դրանք բոլորն էլ ավելի նոր գրություններ են, քան վերոհիշյալ մյուս գործերը, բացի այդ, ինչ-
պես կերևա հետագայում, «Խրատ վարուց» ձեռքերի ձեռագրերի նկարագրությունից, Մայրա-
դոմեցի անվանումը չէր կարող չփոփոխվել հենց միայն այն պատճառով, որ եկեղեցու կողմից
մերժված մի աղանդի անվանումն էր։ Այս կարծիքի հաստատման վկայությունը կարող է լի-
նել Երուսաղեմի № 1999 ձեռագիրը, որ «Սիոնում» շարունակաբար հրատարակել է Ե. Ե.
Դ.-ն (Եղիշե եպիսկոպոս Դուրյանը)։ Այստեղ հեղինակի անունը «քերած-ջնջած» է, որի մա-
սին հրատարակիչը, իսկ ավելի շուտ Գարեգին Հովսեփյանը այն կարծիքն են հայտնել, թե
Մայրադոմեցու անունը վերացնել ջանացող մի մոլեռանդի ձեռքի գործ է։

Այս բոլորը մեզ հանգեցնում է այն եզրակացության, որ Հովհանը իր փառքի օրերին Մայ-
րավանեցի չի կոչվել, այլ Մայրազոմեցի։

Մայրազոմեցի անվանումը, կարծում ենք, որ Հովհանի ծննդավայրն է ցույց տալիս։ Սա-
կայն մեզ ծանոթ տեղանունների մեջ, առ այսօր, չկա Մայրազոմը։ Կա միայն այն հիշեցնող
մի տեղանուն, Մարազումն է դա, մի սարահարթ, որի մասին Հ. Ներսես Սարգիսյանն այս-
պես է դրում. «Ի մէջ լեռանց կողմանցս այսոցիկ առաջին համարի Մարազում լեռնոն ոչ այն-
քան բարձրութեամբ քան թէ տարածութեամբ... Սերաստացւոց քաղաքն կառուցեալ կայ ի
դաշտավայրի, առ ստորոտով Մարազում լեռին, Ալիս գետոյ կիսաժամաւ ի բացեայ անցա-
նելով ընդ կամուրջ մի նորա բազմակամար»¹⁸։

Մատենագրության մեջ Մայրազոմ տեղանվան շեղանկությունը, իհարկե, չի կարող պատ-
ճառ հանդիսանալ, որ այդպիսի տեղանվան ընդհանրապես դոյություն ունեցած լինելը բացառ-
վի։ Մայրազոմը շատ հայեցի կազմություն ունեցող բառ է և «զոմ» վերջավորությամբ տեղա-
նուններ կան հայոց աշխարհադրական բառարանում, հիշենք, թեկուզ, Շաղազոմը, որ մի ամ-
բողջ գավառ էր։ Ըստ Հյուրըմանի, «զոմ» նշանակում է նաև շեն, գյուղ։ Այս նշանակությամբ
«զոմը» կարող էր լինել և եղել է շատ տեղանունների բաղադրիչը։ Մայրազոմը, ինչպես մեզ
հիշեց բյուզանդագետ Հ. Բարթիկյանը, շատ է նման նաև հունական γαλαξία -ին, որ
թարգմանաբար մայրավան է, նշանակում։ Հուստինիանոսի տիրապետության տակ գտնվող
հայկական հողերում γαλαξία-ն վարչական մի նոր միավոր էր, որ կարող էր թարգման-
վել ինչպես մայրավան, այնպես էլ մայրազոմ, դույզն իսկ չափով չհիշեցնելով «զոմի» այսօրվա
իմաստը։

Այս Մարազում տեղանունը, Հուստինիանոսի սահմանած վարչական միավոր
γαλαξία -մայրավան-մայրազոմը դուռ են բաց անում մի ենթադրության՝ արդյո՞ք Հովհան

¹⁷ Կարապետ եպիսկոպոս, Յովհան Մանդակունի և Յովհան Մայրազոմեցի, «Շողա-
կաթ», էջմիածին, 1913, էջ 112։

¹⁸ Հ. Ներսէս Սարգիսյան, Տեղագրութիւնք ի Փոքր և ի Մեծ Հայս, Վենետիկ,
1864, էջ 462։

Մայրագոմեցին ծնունդով Բյուզանդական Հայաստանից չէր, Հովհանի ծննդավայրի մասին առաժմ ոչ մի վարկած չկա, սա էլ, տակավին, ավելի ամուր փաստերի կարիք ունի:

Երբ է ծնվել Հովհան Մայրագոմեցին:

Մատենագրության մեջ Հովհանի ծննդյան թվականը չի հիշատակվում: Այն մոտավորապես որոշելու համար բանասերները դիմել են Հովհանի գործունեության հետ կապված տարեթվերին, պատահել է և՛ մահվան թվականին (Քիպարյան): Այլ կերպ վարվել հնարավոր էլ չէ: Սկզբնաղբյուրներում տարբեր տվյալներ կան: Մի տվյալի շուրջ գրեթե բոլոր սկզբնաղբյուրները համաձայն են. Հերակլի հրավիրած Կարնո ժողովի ժամանակ, Նզրը համաձայնություն է տվել առաջարկված մի կամքի և երկու բնության դավանությանը, իսկ նրան հակառակ դիրք է բռնել Հովհանը: Դա տեղի է ունեցել 634 թվականին: Այսպես են ասում և՛ «Պատմութիւն Յոհաննու Մայրագոմեցոյն» ու Փոտ պատրիարքը, և՛ Հովհաննես Դրասխանակերտցին ու Ասողիկը, և՛ Օրբելյանն ու Արսեն Սափարացին, և՛ մյուս սկզբնաղբյուրները: Հովհանի եռուն գործունեության շրջանը սկզբնաղբյուրների մեծ մասի համաձայն եղել է Կոմիտաս կաթողիկոսի դավանության ժամանակը, որ է 615-ից 628 թվականը: Ըստ Մովսես Կաղանկատվացու և Ստեփանոս Օրբելյանի, Արրահամ կաթողիկոսի օրոք էլ՝ 607-ից 615 թվականը, կաթողիկոսարանի հեղինակավոր հոգևորականներից էր Հովհանը: Ղալաթի ազգային Մատենադարանի հայոց ձեռագրերի ցուցակի № 154 ձեռագրում (նոտրդիր, տեղ, ղրիշ, ժամանակ անհայտ) կա այսպիսի մի տվյալ. «Առաջին ամին որ եղան թվականն Հայոց վերադիրն Գ. էր: Յայտնութիւնն Արաք Լ. Գիր տարոյն Յ.-ին: Հասարակածն Ահեկի ԺԻ. Լրումն Զատկի Մարերի է. Պատկեր օրն կիրակի է: Երեւակն Դ. ԺԸ եպիսկոպոսք ժողովեցան ի Դուին քաղաքն եղին և կազմեցին զթվականն, որոց զլիաւորքն էին այսոքիկ. Անանիայ Շիրակացին և Մովսէս կաթողիկոսն և Յովհան Մայրագոմեցին»¹⁹:

Այս հաղորդմանը հավատ ընծայելը դժվար է, որովհետև Անանիա Շիրակացին, որին նույնպես հայկական թվագրությունը հաստատողների շարքում է դասում ձեռագիրը, շուրջ 3 տասնամյակ հետո դեռ նոր աշխարհ պետք է զար, հետաքրքրական է, սակայն, որպես փաստ այն, որ հայոց պատմության այդ նշանավոր երևույթը կապում են նաև Հովհանի անվան հետ: Անանիա Շիրակացու անվան հետ կապելը հասկանալի է, Շիրակացին տոմարադետ էր, արդյո՞ք Հովհանը հեղինակություն էր նաև նման հարցերում:

Եթե 607—615 թվականներին Հովհանը հեղինակություն էր կաթողիկոսարանում, ուրեմն հասուն մարդ պետք է եղած լիներ՝ գոնե երեսունն անց: Այս հաշվով նա պիտի ծնված լինի մոտավորապես 575—580 թվականներին:

Ըստ հ. Ներսես Ակինյանի²⁰, Հովհանի ծննդյան թվականը 610-ն է: Մի բան, որ հակասում է սկզբնաղբյուրներին: Լ. Կ. Քիպարյանը «Յոհան Մայրավանեցի (կոչված նաև Մայրաղոմեցի)» հոդվածում Հովհանի ծննդյան մոտավոր թվականը համարում է 605-ը: Հիմքը Արսեն Սափարացու այն հաղորդումն է, որ Հովհանը մահացել է 684 թվականին:

Հովհանի մահվան թվականի մասին, ինչպես արդեն այլ աղբյուր ասացինք, Կարապետ եպիսկոպոսը դրում է. «Երբ Կոստանդ կայսրն անձամբ Հայաստան եկավ և Դվինում միությունը վերահաստատեց (652 թ.), իսկ այդ միության դեմ նույնպիսի ընդդիմություն առաջ եկավ, որպիսին Նզրի օրով և որովհետև ոչ մի հավանականություն չկա, որ այդ ժամանակ Մայրագոմեցին լիներ, ուրեմն հակառակություն հանողը նրա աշակերտներն էին...»²¹:

Ըստ Փոտի՝ Հովհանը Ներսես Շինոդի մահից հետո վերադառնում է Կովկասից և անում ինչ որ ցանկանում էր, իսկ Արսեն Սափարացին ու Narratio-ն Հովհանի Կովկասից վերադառնալը դնում են Անաստասի մահից՝ այսինքն՝ 668-ից հետո: Արսեն Սափարացին Հովհանի մահվան որոշակի թվականն էլ է ասում՝ 684-ը:

Հայկական ոչ մի աղբյուր Հովհանի վերադարձը չի հիշատակում, «Պատմութիւն Յոհաննու Մայրագոմեցոյն» գործում էլ այն հատվածը, որտեղ ասվում է, թե «Եկն Մաթուսաղայ ի Սիւնեաց և ընկալաւ ձեռնադրութիւն եպիսկոպոսութեան յՆզրէ և միաբանեցան ամենեքեան և միահաւատ եղեն, և հոռոտորաքանէր յայնմհետէ Թեոդորոս Մաթուսաղայեան և ներբողումն առնէր զովեստական բանիւք ժողովոյն Քաղկեդոնի և հնազանդէին նմա ամենեքին, բայց ի

¹⁹ Բարգեսն կաթողիկոս, Յուցակ ձեռագրաց Ղալաթի աղղային մատենադարանի հայոց, Անթիլիաս, 1961, էջ 988:

²⁰ Լ. Ն. Ակինյան, «Հանդես ամսօրեայ», Վիեննա, 1957 թ., 11—12, էջ 525:

²¹ Կարապետ եպիսկոպոս, Յովհան Մանդակունի և Յովհան Մայրաղոմեցի, «Շողակաթ», էջմիածին, 1913, էջ 111—112:

Յոհանայ և ի նորին աշակերտացն, որ ոչ հնազանդեցան, անկան ի րանդ ե ի պատուհաս և ի հալածանս ի ներսիսէ Տայեցոյ Հայոց կաթողիկոսն²²։

Իսկում է, թե ճիշտը այսպես հասկանալն է՝ աշակերտներն են հալածվել ներսես կաթողիկոսից և ոչ թե Հովհանը։ Հովհանը, ինչպես հայկական բոլոր մյուս աղբյուրներն են նշում, քաշվել է Գարդմանի գավառը և անդ ապա խստամբեր վարս իւր ստացեալ՝ նեղ և անձուկ պողոտայիւ հետևի զկնի ամենայն առաքինի վարուց²³ կամ՝ «Եւ երթեալ Յովհաննու ընտրեաց իւր տեղի լոռիթեան ի կողմանս Գետարակս բերդոյ, և անդ զաղարեալ՝ հանապազ ընդ ծոյ խօսելով²⁴, և՝ թիսկ նորա ղնացեալ ի Գարդման անդ կատարէ զկեանս իւր առաքինաւան հանդիսիւ Զսմանէ համբաւի հերձուած մուծանել յեկեղեցի՝ որ ոչ է սորա, այլ ոմն Սարգիս անուն յաշկերտաց նորա արար զայն, զոր հալածեաց Յովհան յիւրմէ²⁵։

Ինչպես տեսնում ենք, Հովհանը Դվինից հեռանալուց հետո, 60-ն անց մի ժերունի, ճգնակյացի վարքով անց է կացրել իր օրերը, հեռու կրոնական բարձր ոլորտներին հուզող հարցերին միջամուխ լինելու ձգտումից, ուսուցանում էր, հորդորական ճառեր գրում և սրբի հուշակով մահանում ազդային ավանդներին խիստ հավատարիմ Գարդմանի գավառում, որտեղ նույնիսկ նրա հետ կապված մի ավանդություն էլ է հյուսվում, որը մեջ ենք բերում կարծելով, որ այդ ավանդության Գարդմանում կյանք ստացած լինելը ինչ-որ բան, այնուամենայնիվ, նշանակում է. «Եցոյց աստուած և մեծ սքանչելիս վկայ լինել սրբութեան նորա. զի էր նորա էջ մի, որ սպասաւորէր զպէտս նորա. պատահեաց նմա արջ մի և եկեր զնա։ Եւ իբրև ասացին Յովհաննու, երթեալ ասէ ցարչն. «Որովհետև սպաներ զսպասաւորն մեր, արդ՝ փոխանակ նորա, դու սպասաւորեա՛ մեզ»։ Եւ երթեալ արչուն՝ սպասաւորէր ամենայն հնազանդութեամբ ի բեռնակրութիւնս և յամենայն ինչ ամս բազումս։ Եւ յետ ժամանակաց պատահեալ որսորդաց՝ սպանին զարչն, կարծելով վայրենի զնա։ Եւ իբրև տեսին եղբարք վանիցն՝ ընկեցին զնա ի իորափիտ մի։

Մինչև ցայսօր բնակիչք վայրացն երթան և առնուն հող ի տեղուղէն, յորում թաղեցաւ արչն. և լինի դեղ ամենայն ցաւոց անասնոց աղօթիւքն Յովհաննու նույնպէս և գերեզման սրբոյն դեղ է ամենայն ցաւոց և վտանգելոց, որք հաւատով ապաւինին յաղօթս սրբոյն²⁶։

Արջի հետ կապված այս ավանդությունը կարող էր ծնվել Հայաստանի լեռնային ու անտառոտ այն շրջաններում, որտեղ արջը շատ հարազատ է։ Այդպիսի շրջաններից է Գարդմանը, ուր քաշվեց Հովհանը Եզրի հետ գծովելուց հետո և սրբի հուշակ վայելեց այդ գավառում։ Այդտեղ Հովհանի մահանալու հետ համաձայն են հայկական սկզբնաղբյուրները։

Փոտը և Narratio-ն, սակայն, հաղորդում են, որ Անաստաս կաթողիկոսի մահից հետո (668 թ.) Հովհանը վերադարձել է Հայաստան և վախճանվել խոր ծերության մեջ։ Արսեն Սափարացին, ինչպես արդեն ասացինք, մահվան որոշակի թվականն էլ է ասում՝ 684 թվականը։ Այս թվականն էլ հ. Կ. Քիպարյանը համարում է ամենաարժանահավատը, որովհետև, վերջին հաշվով, միակ ասված թվականն է։ Հ. Կ. Քիպարյանը այսպես է հիմնավորում իր կարծիքը. «Իրապես երկու օտար լեզվով աղբյուրներն ալ կրնդունին թե Մայրավանեցի դարձած է իր աքսորեն Անաստաս կաթողիկոսի (662—668) մահեն վերջ, ըսել է 668-են հետո, ու տարիներ վերջ մեռած է շատ ծեր. իսկ Սափարացիի վկայության համաձայն՝ Հոհան մեռած է ՃԼԳ թվականին, այն է 684-ին։ Սափարացիի մեզ ընծայած այս թվականին նկատմամբ տարակուսելու որևէ հիմք չունինք. թվական մըն է, որ հնարելու հատուկ պատճառ չունեն, մանավանդ թե այդ թվականով առանց անդրադառնալու ինքն իր գրածին կը հակասե։ Ենթադրելով որ Մայրավանեցի ութսունամյա վախճանած ըլլա, իր ծնունդը պետք ենք դնել 605-ի ատենները, արդ 605-ի ծնունդ մը չէր կարող Կոմիտասի կաթողիկոսության (615—628) շրջանին հրապարակի վրա ազդեցիկ զեր մը կատարել²⁷։

22 Պատմութիւն Յոհաննու Մայրազոմեցոյն, «Արարատ», 1917։

23 Յովհաննես Կաթողիկոսի Դրասխանակերտցոյ, Պատմութիւն Հայոց, Թիֆլիս, 1912, էջ 77—80։

24 Կ ի ր ա կ ո ս Գ ա ն ձ ա կ ե ց ի, Պատմութիւն հայոց, աշխատասիրությամբ Կ. Ա. Մելիք-Օհանջանյանի, Երևան, 1961, էջ 54—56։

25 Ստեփանոսի Տարօնեցոյ Ասողկան Պատմութիւն տիեզերական, Ս. Պետերբուրգ, 1885, էջ 77—78։

26 Կ ի ր ա կ ո ս Գ ա ն ձ ա կ ե ց ի, Պատմութիւն հայոց, աշխատասիրությամբ Կ. Ա. Մելիք-Օհանջանյանի, Երևան, 1961, էջ 56։

27 Հ. Կ. Քիպարյան, Յոհան Մայրավանեցի (կոչված նաև Մայրազոմեցի), «Բազմավեպ», Վենետիկ, 1963 թ., էջ 234—235։

Այս եզրակացության բերող փաստարկումները համոզիչ չեն։ Ահա թե ինչու։ Բոլոր սկզբնաղբյուրներն, առանց բացառության, հաղորդում են, որ Կոմիտաս կաթողիկոսի օրոք նշանավոր դեմք էր Հովհաննիս Սրան շենք կարող չհավատալ։ Այս տվյալը պետք է հիմք ծառայի տարիքի որոշման և ոչ թե միայն Արսեն Սափարացու մոտ հանդիպող, թեև որոշակի ասված, բայց ոչ մի աղբյուրի հետ չհամաձայնվող մահվան թվականը։ Սափարացին այդ թվականը հնարելու պատճառ գուցե և չունեն, բայց բոլորին թողած նրան միայն հավատալու պատճառ բնավ չունենք։

Կարապետ եպիսկոպոսի ենթադրությունը, որ 652 թվականին Հովհանն Մայրազոմեցին արդեն վախճանված էր, մի փաստով ավելի հավաստի է դարձնում Թ. Ավդալբեգյանը նա իր «Զվարթնոցի շուրջը» հոդվածում²⁸, բանասիրական հետաքրքիր հետաքննությամբ հերքում է Գ. Հեռյանի այն ենթադրությունը, որ կարող էր Հովհանն Մայրազոմեցին լինել Զվարթնոցի ճարտարապետը։ Ի շարս այլ և այլ փաստարկումների, նա բերում է նաև Սեբեոսից մի հատված՝ Հովհաննի մահվան թվականը մոտավորապես ճշգրտող։ Թ. Ավդալբեգյանը դրում է. «Այս մասին ունենք Սեբեոսի անառարկելի վկայությունը, որի վրա ուշք չեն դարձրել բանասերները։

Նա պատմում է, թե ինչպես 652 թվականին Դվնի Ս. Գրիգոր եկեղեցում, Կոստանդին կայսեր ներկայությամբ, «քարոզեցավ ժողովն Քաղկեդոնի... և մատեալ պատարագ հռոմեերէն ի հռոմեերիցուէ», և թէ «հաղորդեցաւ թագաւորն և կաթողիկոսն և ամէն եպիսկոպոսանին», ապա ավելացնում է. «Առ մահուն երկիւղի ամենեքեան զհրամանս հաղորդութեանն կատարէին՝ մանաւանդ զի մեռալ էին երանելիքն՝ Երբէքէն՝ Երբէքէն՝ Երբէքէն»։

Հայ հոգևորականների թույլությունն այստեղ բացատրվում է նրանով, որ մեռել էին նրանց տեսարան պարզություններն անհողողող։

Ովքե՞ր էին սրանք։ Դարձյալ Հովհանն ու Մաթուսաղան։ Վերջինս մահվան թվականը վերջնականապես ստուգված չի կարելի համարել, բայց ստույգ է, որ Սյունյաց այս եպիսկոպոսը 652-ի մոտերը մեռած էր արդեն։ Թ. Ավդալբեգյանը այստեղ հենվում է Ստ. Օրբելյանի «Պատմության» տվյալների և Օրմանյանի հաշվումների վրա ու եզրակացնում. «Այս հաշիվներով ստանում ենք Մաթուսաղայի մահվան ժամանակի եզրերը միայն, որ են 647—652 թվականները։

Այսպիսով, ճշտվում է Սեբեոսի ասածը, թե «հիմնաւորադոյն»-ներից մեկը՝ Մաթուսաղան մեռած էր 652 թվականին։ Սրանով հաստատվում է մյուս «հիմնաւորադոյնի»՝ Հովհանն Մայրազոմեցու մասին ասածն էլ։ Վերջինս էլ մեռած էր Դվնի միաբանությունից առաջ։

Այս եզրակացությունը ամենից ավելի է համապատասխանում իրականությանը։ Ինչպես տեսանք արդեն, հայկական աղբյուրներն էլ ներսն Շինողի օրոք Հովհաննի դործունեության մասին որևէ հիշատակություն չեն անում։ Իսկ օտար աղբյուրների այն հաղորդումը, որ նա աքսորից վերադարձավ Անաստասի մահից հետո և խառնակություններ արեց, շփոթություն է և, ինչպես Կարապետ եպիսկոպոսն է ասում, վերաբերում է աշակերտների արածներին։

Մատենադրական հնադույն տվյալներից մեկի համաձայն (Մովսէս Կաղանկատվացի)²⁹ Մեծ կողմանց եպիսկոպոս Դավիթը դիմում է հայոց կաթողիկոսարան՝ խորհուրդ հայցելով Աղվանից աշխարհում հայտնված հերձվածողների մասին, որոնք պատկերները չեն ընդունում, մերժում են մկրտությունը, ադի օրհնությունն ու հարսանեկան պսակադրությունը։ Հովհանն Մայրազոմեցին պատկերամարտության մասին հանգամանալից բացատրություն է տալիս և ասում, թե ինչպես Արրահամ կաթողիկոսի դահակալության օրերին, երբ Գարդմանի իշխանը շղթայակապ Հայաստան ուղարկեց Լրեք պատկերամարտների, ինքը՝ Հովհանն, նրանց բացատրեց, թե ինչու չպետք է խոտել պատկերները և նրանք հրաժարվեցին իրենց «մոլորությունից»։

Համաձայն Ստեփանոս Ասողիկի վկայության, Կոմիտաս կաթողիկոսի ժամանակ «փայլէր վարդապետութեամբ Յոհանն Մայրազոմեցի։ Սա դրեաց երիս գիրս և զանուն իւր ոչ վերագրեաց ի նոսա, վասն շընդունելոյ ժողովրդեանն. անուն միոյն՝ Խրատ վարուց, և անուն միւսոյն Հաւատարմատ, և անուն միւսոյն՝ Նոյեմակ»³⁰։

Կարապետ Տեր-Մկրտչյանը «Կնիք հաւատոյ» ժողովածուի կազմողը իրավացիորեն համա-

28 Թ. Ավդալբեգյան, Զվարթնոցի շուրջը, «Հիմնադրանք», 1958, հ. 4, էջ 31—38։

29 Մովսիսի Կաղանկատվացի Պատմութիւն Աղուանից աշխարհի, Թիֆլիս, 1912, գլ. ԽԶ։

30 Ստեփանոսի Տարօնեցոյ Պատմութիւն տիեզերական, Ս. Պետերբուրգ, 1885, էջ 87—89։

րում է Մայրազոմեցուն և համոզիչ կերպով ժողովածուի 1914 թվականի հրատարակության ներածությունում ցույց է տալիս այդ:

«Պատմութիւն Յոհաննու Մայրազոմեցոյն» գրվածքից իմանում ենք, որ Քրիստափորի կաթողիկոսության ժամանակ, նախքան Կարնո ժողովը, ասորիների հետ միաբանության փորձեր են կատարվել և Սիրիիից Քենդորոսն է եղել ղրա եռանդուն կազմակերպիչներից մեկը, իսկ Հովհանը կաթողիկոսից բացատրություն է պահանջել, այսինքն ընդդիմադիր կողմ է եղել: Դժբախտաբար, «Պատմությունը», ինչպես արդեն ասացինք, հասել է կիսատ և եկեղեցիների միաբանության այս շահագնաց կարևոր հարցի լուսարանման հնարավորությունից զրկված ենք: Եղածը, սակայն, հետաքրքիր է նրանով, որ Կարնո ժողովի նախապատրաստության մասին տեղեկություն ունենալուց բացի, տեսնում ենք, որ Հովհանին Կարին՝ ժողովի շտանկը վերջին պահին ընդունված որոշում չէր, այլ նոր ձեռնարկված եկեղեցական քաղաքականության անհրաժեշտ քայլերից մեկը:

«Հացունյաց խաչի» պատմության մեջ Հովհանի մասին ասվում է. «Եւ անգ էր Յոհան Մայրազոմեցի, այր փիլիսոփայ և արքայն (Հերակլը— Հ. Ք.) սիրէր ղնա վասն սրբութեան իւրոյ»: Հերակլի պարսից դեմ տարած հաղթանակին անմիջապես հաջորդող օրերին Հովհանը տակավին արքայի սերն է վայելում: Մեկուսացնել սկսում են նրան, այն էլ հայերը, երբ եկեղեցիների միության հարցը դառնում է անխուսափելի: Կարնո ժողովից հետո Եզրը նրան հեռացնում է կաթողիկոսարանից, Հովհանը գնում է Գարդման, որտեղ նրա հեղինակությունը անվերապահորեն ընդունվում էր դեռևս Արրահամ կաթողիկոսի ժամանակ: Ինչպես տեսանք, Կիրակոս Գանձակեցու վկայության համաձայն, Հովհանը այստեղ էլ ապրել է մինչև իր կյանքի վերջը որպես ճգնակյաց:

7-րդ դարի առաջին 40 տարիների ընթացքում Հովհան Մայրազոմեցին եղել է հայ եկեղեցու ամենանշանավոր գործիչներից մեկը, Արրահամ կաթողիկոսի օրոք հեղինակավոր անձ է, Կոմիտաս կաթողիկոսը գործերն է վստահել նրան, Եզրի դահակության սկզբին նա վայելել է Քենդորոս Ռշտունու վստահությունը և հայոց իշխանը հանձնարարել է Եզրին առանց Հովհանի ու Մաթուսղայի չգնալ բանակցություններ վարելու բյուզանդացիների հետ, սակայն հայբյուզանդական քաղաքական հարաբերությունների առկա վիճակը պատճառ է դարձել, որ Հովհանը մեկուսացվի:

НЕКОТОРЫЕ ВОПРОСЫ ПО БИОГРАФИИ ИОАННА МАЙРАГОМЕЦИ

А. М. КЕНДЕРЯН

Р е з ю м е

В статье исследуются некоторые спорные вопросы, относящиеся к биографии видного древнеармянского писателя и мыслителя Иоанна Майрагомеци. На основе историко-биографических данных и филологических изысканий устанавливается, что Иоанн Майрагомеци родился между 575—580 годами, место рождения предположительно — Византийская Армения, место захоронения—село Гетабак области Гардман.

Наиболее бурный период деятельности Иоанна Майрагомеци относится к годам правления католиков Абраама и Комитаса, т. е. к 607—628 гг. Автор выдвигает новую гипотезу о происхождении прозвища писателя.